

鄧州志卷之九

古延蔣光祖振襄氏纂修

風俗 物產附

南陽之俗古稱忠樸自秦遷不軌之民始夸奢尚氣力好商賈然召信臣勸民農桑去末歸本則其風復古鄧在南陽去郡城百里而遙攷諸前志蓋洪永之初隆萬以後其淳澆判然異矣况古今升降之際乎然天下未嘗不始於勤儉而終於侈靡質文循環固其所也 國家仁漸義摩風同道一鄧之風俗曷嘗與古異哉長民者体上德意宣明教化庶無愧寇范

鄧州志

卷之九

風俗

一

諸賢則土物心臧之民亦相安於醇厚之域矣志風俗

鄧州古稱醇厚悅禮義勤農桑有三代遺風地屬南陽密邇郡城歷史所言大抵不甚相遠前志云明初民惟椎質盡力畝畝故家給人足士得竟其業熙熙如也民所居以齒爲序雖總麻之長于其幼叱咤督過之不爲嫌大家婦女當農桑時相約徒行執業歲宴會列甕瓦器盛酒食豐夥無餘品無縟禮民跼躐奉法鮮訟辨吏亦無深文案牘清簡隆萬以後多四方附籍非復椎質之舊農無儲蓄里中遊惰事淫末習

奢侈蔑少長之節以勢利相凌鑠始大異矣天崇間
大姓凌縱豪猾并起勢重難返釀成荼毒數百年世
澤蕩然幾盡然闖賊之難猶有蹈忠義顧名節不受
屈辱而死者自辛巳至乙酉四五年間鄧久陷賊中
僅存視息不復可言矣我

朝定鼎之後民氣漸蘇民風亦復百餘年來沐膏咏勤禮
陶樂淑麻幾三代之風復見於今日也

鄧介衝僻之間四方富商大賈至者絕少民生不見
異物士習端慤民風醇樸好義急公重農務本無竒
技淫巧之尙侈靡狙詐之習易與爲善俗最近古冠

禮三代後久廢不行喪禮大小歛亦久不行其餘自
始死以至終喪及昏禮納幣請期親迎之屬士大夫
家多依家禮行之小民亦做其意未必能盡合也貧
民或女未及笄育於夫家旣長乃成婚各處亦多有
之至居喪作佛事臨葬以鼓吹雜劇娛尸天下大抵
皆然亦莫知其所始唐宋人常有此論未可獨以譏
今日之鄧也古者大夫士祭於廟庶人祭於寢後世
非世家貴仕有家廟者絕少類多於堂堂間設龕祐
歲時奉祀寒食清明土墓拜掃古之人皆行之舊志
遂謂鄧民多野祭不亦誣乎

元日夙興燔栢柴設香案陳牲醴放火爆焚楮幣拜神祀先畢長幼以次稱壽士大夫有神堂者合族團拜然後親朋隣里相拜謂之賀歲家各具酒食以相延款

迎春司牧迎春於東郊社民管絃前導官民皆簪絲花兒女鮮衣競觀土牛老農察牛形色以占收穫元宵沿戶張燈爲樂

十六日士女出外競遊登高過橋謂之走百病

清明前二日日寒食民間祭掃墳墓添土掛紙於巔清明日折柳枝插頭又樹鞦韆架婦女競相推引唐

開元以來所傳半僊戲也

端午設角黍扎錦符觀者相餉簪艾虎飲雄黃菖蒲酒曰辟邪

中秋比戶置瓜果酒脯玩月爲樂

重陽食糕賞菊士人登高燕樂

冬至官吏師生拜賀一如元旦儀

臘月二十三日祭竈次日掃屋宇朱范成大祭竈詞云古傳臘月二十四竈君上天欲言事雲車風馬少

留連家有杯盤豐腆祀則此風由來遠矣

除夕易門神桃符作春帖具穀核長幼團坐日守歲

物產附

舊志禹貢則壤定賦職方氏辨土地之宜詳誌其尤
穀五擾之屬未嘗搜奇獵異也通考云鄧有白菊花
及花蠟之貢今則白菊花絕少而花蠟亦不常有按
圖而索之不亦左乎至于民生日用之需亦自不乏
從而紀之昭其實也

穀之屬多粟多麥多菽多脂麻有黍有稻有稷有蕎
蔬之屬多芥多瓠多蘿蔔多玉瓜多冬瓜有菠稜有南
瓜有芋有芫荽有窩苣有芹有菘

菓之屬多桃多榴多西瓜多林擒多黃梅多葡萄多胡
桃多棗有蓮藕有菱角有柿

藥之屬有益母草有天花粉有酸棗仁有紫蘇有槐角
有甘菊花有菘葶草

花之屬有木僅有薔薇有千葉梅有千葉榴有千葉桃
有木樨有牡丹有芍藥有紫荊有紫薇有梔子有鳳
仙有蓮有玉簪有石竹有山丹有蜀葵有菊有迎春
有玫瑰有恨春遲

木之屬多楊多栢多槐多榆多椿有楓有桐有棟有楸
有冬青有黃楊有桑

禽之屬多鵝多鷄多鴨多鶉多鶩多鸕鶿有鵲有鴛鴦有

鳩有鸚鵡有鶯

獸之屬有馬牛羊犬豕兔

鱗之屬有鯉有鮒有鯉有鮎有蛇

虫之屬多蟬多蝎多螳螂多蟋蟀有蜂有蛙有螢有蠶

貨之屬有麻有綿花有藍靛有紅花

鄧州志卷之九終

鄧州志

卷之九 風俗